



UPA 2023/67

11/5-2023

Jens-Frederik Nielsen

**Innuttaasut, suliaqartut/immikkut ilisimasallit, namminersorlutik inuussutissarsiortut, kommunit
Inatsisartunilu partiit imigassamik akiuiniarnermi ataatsimut periusissialiornermi akuliunneqarlutik,
ukiunut arlalinnut atuuttussamik ilisimatuussutsikkut upternarsakkanik toqqammaveqartumik
imigassamut politikissamut toqqammavissamut suliakkummik Naalakkersuisut peqquneqarnissaannik
Inatsisartut aalajangiiffigisassaattut siunnersuut. Periusissiaq atuutilersitsinermi aningaasatigut
allaaffisornermilu kinguneqaatissanut naatsorsukkanik imaqassaaq, UPA2025-milu agguanneqassalluni.
(Inatsisartunut ilaasortaq Agathe Fontain, Inuit Ataqatigut)
(Siullermeerneqarnera)**

Qujanaq Inatsisartunut ilaasortaq Agathe Fontain siunnersummut.

Inuttut kiffaanngissuseqarneq Demokraatinut pingaaruteqartuuvoq. Nunaqqatigummi tatigaagut.
Tatigaagut, inuit maani nunami imminnut paarisinnaasut, isumaqanngilagullu, inuaqatigiit sunut tamanut
killilersorsinnaagingut.

Kingullermik IA-p pissaaneq tigummimmassuk ajorluinnartumik imigassanut aalakoornartulinnut inatsit
akueringeqarpoq.

IA-p imigassaaq pisiniarfinni saajut tunuannut toqqorpa. IA-p aalajangerpaa, aappariit 16-inik ukiullit tii-mik
cookie-mik kaffisorniartarfinni nalunaaqutaq 20 kingorna pisissanngitsut. IA-p aalajangerpaa, immiorfiit
tunisassatik ussassaarutigissanngikkaat. IA-p imigassamik tuniniaaneq killilersoruttormagu,
inerteqquaasumik tuniniaasut imaaqinnavissimapput.

Tamakku suliniutit Demokraatinut utertinneqarput, IA-p pissaaneq annaammagu.

Demokraatini annilaanngatigaarput, IA-mit siunnersuutip siunertaa kingullermisut siunertaqartoq. Tassa IA-
p tungaanit inerteqquteqartoqassasoq, inersimasut inuillu kiffaanngissuseqarlutit pissusaannik
killilersuinermik siunertaqartumik.

Ingeerlaannaq oqaatigilarput; tamanna Demokraatit kingullermik taamaattunik IA-p misiliineratuulli
sakkortutigisumik akiuissammat.

Taamatut oqareeraluarluta, suliniuteqartoqarpat imigassamik atornerluinermik akiuisussanik soorunami
peqataassaagut. Suliniutilli ukkatarissavaa atornerluinerup pinaveersaartinneqarlunilu ikiorniarneqarnera –
ukkatarineqassanngilaq inuit nalinginnaalluinnartut pillarnissaat, immiaaqqamik ataasinnguamik
immiartorfimmullu viinnimik mamarisaqartut. Demokraatit isumaqanngillat, imigassamik ajornartorsiutit
killilersuinikkut inerteqquteqarnikkullu aaqginneqarsinnaaneri.

Eqqaamassavarput, ukiorpassuarni nunatsinni imigassamik atuinerput ilorraap tungaanut ingerlasimammat.



Imigassap annertussusaa, nunatsinni maqinnejarsimasoq imaluunniit nunatsinnut eqqunnejarsimasoq 1989-miit affaannanngorsimavoq.

Taamaakkaluartoq qularutissaanngilaq, suli imigassamik atornerluinermik ajornartorsiuteqartugut. Suli amerlavallaat persuttaanerit imigassartorsimanermit aallaaveqartut aammalumi toqutsinerit takussaapput. Suli takusarpagut meeqqat sumiginnakkat amerlavallaat inersimasut imigassartorsimanerannut atasumik sumiginnarnejarsimasut. Ataatsimoirluta sorsuutigissavagut. Allanilli sakkulerluta inerteqquut tamanullu killilersuinerit, kalaallit naliginnaasut kiffaanngissusaannik arsaarinnilluinnartut, pinnagit.

Demokraatini isumaqarpugut, akerlianik pingaartuuusoq ukkatarissallugu inuuusuttunut siusinaartumik suliniarneq, imigassaq sunaanersoq, inummut qanoq sunniuteqarsinnaanersoq aammalu inuiaqatigiinnut imigassap sunniutai. Taakkuninnga ukkatarinninneq nunatsinni atuarfinni ilinniarfinnilu annertusartariaqaraluarpoq.

Aamma isumaqarpugt, ukkatarinerusariaqaripput, qanoq imigassartoriaaseqarnerput. Imigassartorneq imaattariaqanngilaq, imminut aquassinnaajunnaarluni imerujussuarneq.

Naggataatigut pingaaruteqartorujussuuvoq, paassisallugu, sooq inuit ilai silaarunnissamik tungaanut imertarnersut atorneruisunngorlutillu. Pissutaasut ilaginnguatsiarpaat imminut naleqartinnginnej. Inuit imminut naleqartittut imminut paarilluarnerusarput, avatangiisitillu tamatigungajak paarilluarnerusarlugu. Imminut naleqartinnerunerup taamaattumik imertariaaserput pitsasumik sunnersinnaavaa. Taamaattumik kajumissaarutigissavarput, suliniutissat ingerlalerpata inuiaqatigiinnik, imminut naleqartittunik ukkatarinninneq inisseqqullugu eqqarsarani, qanoq ililluta inuiaqatigiinni inerteqquutnik killilersuinernillu pilersitsinissarput.

Taamatut oqaaseqaaserlugu Naalakkersuisut allannguutissatut siunnersuutaat ataatsimiititaliami susassaqtumi suliareqqinnejarnissaa innersuussutigineqarpoq.